



Nataon'ny Loholona M. Russell Ballard
Ao amin'ny Kôlejin'ny Apôstôly Roambinifolo

Mahita Fifaliana ao anatin'ny Asa Fanompoana feno Fitiovana

Aoka isika haneho ny fitiavantsika sy ny fankasitrahantsika noho ny sorompanavotan'ny Mpamony, amin'ny alalan'ny asa fanompoana tsotra sy feno fangorahana.

Ry rahalahy sy ranabavy, mananten aho fa ianareo izay mivahiny eto Salt Lake dia hanararaotra izao fotoana izao hankafizana ny loko sy ny hanitr'ireo voninkazo kanto ao Temple Square.

Etsy ankilan'izany sehatra mahafaniritra entin'ny lohataona izany sy ny tandindon'ny fanantenana entiny, dia misy kosa tontolo feno ahiahy, fahasotana sy fikorontanana. Ny zavatra takian'ny fiaianana andavanandro—ny fianarana, ny asa, ny fitaizana zanaka,

ny fitantanana sy ny antso ao ampiangonana, ny hetsika rehetra arak'izao tontolo izao, eny na dia ny fanaintanana sy ny fijaliana entin'ny aretina sy ny fahoriania tsy nampoizina aza—dia mety hahatorovana antsika. Ahoana no fomba hialantsika amin'ireo sangodim-panin'ireo olana sy ahiahy mba ahitana fiadanan-tsaina sy fahasambarana?

Matetika isika no mitovy amin'ilay mpivarotra tanora avy any Boston izay tamin'ny 1849, araka ny voalaza, dia tafalatsaka tao anatin'ilay hafanam-pon'ny hazakazaka hitadiavana volamena tany Californie. Namidiny daholo ny fananany rehetra mba hitadiavana harena tany amin'ireo reniran'i Californie, izay nolazaina taminy fa feno vongam-bolamena vaventy loatra ka sarotra ho an'ny olona iray ny mibata izany.

Nifandimby tsy nisy fiafarana ireo

andro, izay nandrotsahany ny fanivanany tao anaty rano fa foana hatrany izany rehefa nakarina. Ny hany valisoa azony dia vato nivangongo niavosa. Kivy sy borona izy ary efa hilavo lefona kanjo indray andro nisy mpitrandraka iray efa antitra sy za-draharaoha niteny taminy hoe, “Tena miavosa izany vato azonao izany, ry tovolahy.”

Namaly ilay tovolahy hoe “Tsy misy volamena eto. Handeha hiverina hody aho.”

Nanatona ireo vato niavosa ilay mpitrandraka anti-dahy ary nilaza hoe “Misy volamena tokoa moa. Fa mila mahafantatra fotsiny hoe aiza no tokony ahitana azy.” Naka vato roa tamin'ny tanany izy ary nampifampi-kapohany izy roaroa. Vaky nisokatra ny vato iray ka niseho teo ny poti-bolamena nanjelatra notarafin'ny masoandro.

Nahatsikaritra kitapokely hoditra nibontsina nifatotra teny am-balahan'ilay mpitrandraka ilay tovolahy dia niteny hoe “Vongany no tadiaviko, tahaka ireo ao anaty kitaponao, fa tsy poti-bolamena madinika fotsiny.”

Naroson'ilay mpitrandraka anti-dahy ny kitapony ho hitan'ilay tovolahy izay njery tao anatiny, nanantena ahita vongam-bolamena vaventy maro. Gaga izy raha nahita fa feno poti-bolamena an'arivony ilay kitapo.

Hoy ilay mpitrandraka anti-dahy hoe “Anaka, raha ny fahitako azy dia sahirana loatra ianao mitady vongam-bolamena vaventy ka tsy vitanao ny mameno ny kitaponao amin'ireto poti-bolamena sarobidy ireto. Ny fanangonana tamim-paharetana an'i-reto poti-bolamena madinika ireto no nahazoako harem-be.”

Izany tantara izany dia ahitana taratra ilay fahamarinana ara-panahy izay nampianarin'i Almà tamin'i Helamana zanany lahy manao hoe:

“Amin'ny alalan'ny zava-madinika sy tsotra no anatanterahana ny zavatra lehibe. . . .

“. . . ary amin'ny alalan'ny zavatra tena madinika no. . . itondran'i Tompol ny famonjena ho an'ny fanahy maro.” (Almà 37:6-7).

Rahalahy sy ranabavy, ny filazantsaran'i Jesoa Kristy dia tsotra, na manao

ahoana fihezahantsika hanasarotra izany. Tokony hiezaka isika hitandrina ny fainantsika ho tsotra tahaka izany, afaka amin'ireo fitaomana avy any ivedany, ary mifantoka amin'ireo zavatra izay tena manan-danja indrindra.

Inona ary ireo zavatra sarobidy sy tsotra ao amin'ny filazantsara izay mitondra fahazavana sy tanjona eo amin'ny fainantsika? Inona ary ireo poti-bolamenan'ny filazantsara, izay raha angonina amim-paharetana mandritra ny androm-piaintantsika dia hitondra ho antsika ilay harena faratampony—dia ny fanomezana sarobi-din'ny fainana mandrakizay?

Izaho mino fa misy fitsipika iray tsotra nefalalina—eny mafonja mihitsy —izay mahafaoka ny filazantsaran'i Jesoa Kristy manontolo. Raha raisintsika amin'ny fo manontolo io fitsipika io ary ataotsika ifantohan'ny fainantsika, dia hanadio sy hanamasina antsika ka ho afaka hiverina hiaina eo anatrehan'Andriamanitra indray isika.

Niresaka momba io fitsipika io ny Mpamony raha namaly ilay fariseo izay nanontany hoe "Mpampianatra ô, ny didy manao ahoana moa no lehibe amin'ny lalana?"

"Dia hoy Jesosy taminy: "Tiava an'i Jehovah Andriamanitra amin'ny fonao rehetra sy ny fanahinao rehetra ary ny sainao rehetra."

"Izany no didy lehibe sady voalohany.

"Ary ny faharoa, izay tahaka azy ihany, dia izao: "Tiava ny namanao tahaka ny tenanao" (Matio 22:36–40).

Rehefa tia an'Andriamanitra sy i Kristy amin'ny fontsika sy ny fanahantsika ary ny saintsika rehetra ihany isika vao afaka mizara izany fitiavana izany amin'ny namantsika amin'ny alalan'ny fihetsika feno hatsaram-panahy sy ny asa fanompoana—amin'ny fomba izay ho nitiavan'ny Mpamony sy ho nanompoany antsika rehetra raha niaraka tamintsika tety Izay ankehitriny.

Rehefa manenika antsika io fitiavana madion'i Kristy io—na fiantrana—dia hanahaka kokoa ny an'ny Ray any An-danitra sy ny an'i Jesoa ny fomba fisainantsika, sy ny zavatra tsapantsika ary ny fomba fiasantsika. Ny antony



manosika antsika sy ny fanirantsika any am-po dia mitovy amin'ny an'ny Mpamony. Nozaraingy tamin'ireo Apôstolin'ny izany faniriana izany ny andro talohan'ny nanomboana Azy. Hoy izy:

"Didy vaovao no omeko ana-reo, dia ny mba hifankatiavanareo; eny, aoka ho tahaka ny nitiavako anareo. . . .

"Izany no hahafantaran'ny olona rehetra fa mpianatro hianareo, raha mifankatia" (Jaona 13:34–35).

Ilay fitiavana izay nofaritan'ny Mpamony dia fitiavana miasa. Tsy miseho amin'ny asa goavana sy feno herim-po izany, fa miseho kosa amin'ny alalan'ny fihetsika tsotra feno hatsaram-panahy sy asa fanompoana.

Misy fomba sy toe-javatra maro karazana ahafahantsika manompo sy mitia ny hafa. Mamelà ahy hanolotra vitsivitsy fotsiny amin'izany.

Voalohany, ny fiantrana dia manomboka ao an-tokantrano. Ilay hany fitsipika manan-danja indrindra izay tokony hifehy ny tokantrano tsirairay dia ny mampihatra ilay Fitsipika Volamena—dia ilay fampitandreman'ny Tompo manao hoe "na inona na inona tianareo hataon'ny olona aminareo, dia mba ataovy aminy kosa tahaka izany" (Matio 7:12). Makà fotoana kely dia alaivo sary an-tsaina hoe ahoana no mety ho fahatsapanao raha ianao no maharay teny sy iharan'ny fihetsika tsy voahevitra. Aoka isika, amin'ny alalan'ny ohatra asehontsika, hampianatra

ny olona ao amin'ny fianakavantsika mba hifankatia.

Ny toerana iray hafa izay hananantsika fahafahana betsaka hanompoana dia ao am-pianganana. Ny paroasy sy sampana misy antsika dia tokony ho toerana hoe ilay Fitsipika Volamena hatrany no mitaona ny teny sy ny fihetsika ifanaovantsika. Ny fifampitondrantsika amin'ny hatsaram-panahy, ny fifampitenenana teny fanohanana sy fampaherezana, ary ny fahatakrana izay ilain'ny hafa eo amintsika samy isika dia hahafahantsika manorina firaisan-kina feno fitiavana eo amin'ny samy mpikambana ao amin'ny paroasy. Rehefa misy fiantrana, dia tsy misy toerana ho an'ny fifosana sy ny teny tsy voahevitra.

Ireo mpikambana ao amin'ny paroasy, na olon-dehibe na tanora, dia afaka miray hina manao asa fanompoana misy lanjany mba hitahiana ny fiaianan'ireo hafa. Vao tapa-bolana lasa izay, nanao tatitra ny Filohan'ny Vondrom-paritra Avaratra-andrefana any Amerika Atsimo, ny Loholona Marcus B. Nash avy ao amin'ny Fitopololahy, fa ny fanendrena "ireo matanjaka arapanahy ho any amin'ireo malemy" dia nahafahan'izy ireo nanavotra olon-dehibe sy tanora an-jatony izay nangatsiaka. Amin'ny alalan'ny fitiavana sy fanompoana—dia tafaverina tsirairay izy ireo. Ireny fihetsika feno hatsaram-panahy ireny dia manorina fifamatorana matanjaka sy maharitra



eo amin'ny tsirairay izay tafiditra amin'izany—na ireo izay manampy na ireo izay ampiana. Fahatsiarovana sarobidy maro tokoa no ateraky ny asa fanompoana tahaka izany.

Rehefa manao jery todika an'ireo taona maro nitantanako tato am-pianganana aho dia an'isan'ireo fahatsiarovana lalina indrindra ananako ireo fotoana izay niarahako tamin'ny mpikambana tao amin'ny paroasy nanampiana olona iray.

Ohatra, tsaroako fony aho eveka, ny niarahako niasa tamin'ny mpikambana mazoto maro tao amin'ny paroasiko raha nanadio nanala ireo sakafom-biby lô izahay tao anatin'ireo lavaka fanotrehana izany tany amin'ny trano fiompiana ho an'ny fifanampiana an'ny tsatôka. Tsy dia nahafinaritra loatra izany asa izany! Nisy raha-lahy mpikambana nalaina iray, izay tsy niangona efa nandritra ny taona maro, voaasa hiaraka taminay. Noho ilay fitiavana sy finamanana tsapany niaraka taminay tamin'izahay niasa sy tafaresaka tao anatin'io lavaka mamofona fanotrehana sakafom-biby io, dia niverina tato am-pianganana izy ary taty aoriana nofehezina tany amin'ny tempoly tamin'ny vady aman-janany. Ny fiarahanay tamin'ny alalan'ny asa fanompoana dia nitondra fitaihana ho an'ny zanany sy ny zafikelinay ary ankehitrany ho an'ny zafiafiny. Maro tamin'izy ireo no nanao asa fitoriana, nanambady tany amin'ny tempoly, ary manorina fianakaviana mandrakizay—asa lehibe iray tanteraka tamin'ny fihetsika tsotra iray—poti-bolamena madinika anankiray.

Ny sehatra fahatelo ahafahantsika

manompo dia eo amin'ny fiarahamonina misy antsika. Ho fanehoana madio ny fitiavantsika sy ny fiahantsika dia afaka manolo-tanana amin'ireo izay mila ny fanampiantsika isika. Betsaka aminareo no efa nitafy akanjo "Manome Tanana" ary tsy nitandro hasarana hanamaivana ny fahoriana sy hanatsara ny fiarahamonina misy anareo. Vao tsy ela ny tanora tokan-tena maro tao amin'ny Tsatokan'i Sendai Japon no nanolotra asa fanompoana tsy voavidim-bola tamin'ny nikarohana ireo mpikambana taorian'ilay horo-horon-tany sy tsunami nahatsiravina. Tsy hay ho isaina ny fomba ahafahana manompo.

Amin'ny alalan'ny hatsaram-panahy sy ny asa fanompoana ataontsika avy ao am-po no ahafahantsika minamana amin'ireo izay tompointsika. Avy amin'ireo finamanana ireo no hipoiran'ny fahatakarana tsara kokoa ny fanolarentantsika amin'ny filazantsara sy ny faniriana hamantatra bebe kokoa mikasika antsika.

Ilay namako akaiky hoe Loholona Joseph B. Wirthlin, dia niresaka mikasika ny herin'io fitsipika io raha nilaza izy hoe: "Ny hatsaram-panahy no fototry ny halehibeazana. [Io] no falalahidy manokatra varavarana sy mammolava namana. Manalefaka ireo fo izy io ary manorina fifandraisana izay afaka maharitra mandritra ny andrompiainana manontolo" ("The Virtue of Kindness," *Liahona*, Mey 2005, 26).

Ny fomba iray hafa hahafahantsika manompo ireo zanaky ny Ray any An-danitra dia amin'ny alalan'ny asa fitoriana—tsy hoe amin'ny maha-misiônera amin'ny fotoana feno ihany

fa amin'ny maha-namana sy mpiray vodirindrina ihany koa. Ny hoavin'ny fitomboan'ny Fiagonana dia tsy ho tanteraka amin'ny alalan'ny fandon-domana amin'ny varavarana'ny olontsy fantatra fotsiny. Ho tanteraka izany rehefa ireo mpikambana, miaraka amin'ireo misiônerantsika, heniky ny fiafiavan'Andriamanitra sy Kristy, no mamantatra ny zavatra ilaina ary manatantara izany ao anatin'ny toe-panahin'ny asa fanompoana feno fiantrana.

Rehefa manao izany isika ry raha-lahy sy ranabavy, dia hahatsapa ny fitiavantsika sy ny fahadiovam-pontsika ireo izay madio am-po mikatsaka ny fahamarinana. Betsaka no haniry hamantatra bebe kokoa mikasika antsika. Izay, ary izay ihany, vao hitombo ny Fiagonana ka hameno ny tany manontolo. Tsy ho vitan'ireo misiônera irery izany fa mitaky ny fahazotoana sy ny asa fanompoana avy amin'ny mpikambana tsirairay.

Amin'ireo asa fanompoana rehetra ataontsika dia mila mahay mihaino ireo fitaoman'ny Fanahy Masina isika. Ilay feo tony sy malefaka dia hampa-hafantatra antsika hoe iza no mila ny fanampiantsika ary inona no azontsika atao hanampiana azy ireo.

Hoy ny Filoha Spencer W. Kimball hoe: 'Tena manan-danja be ny hifanompoantsika tsirairay ato amin'ny fanjakana . . . Matetika ny asa fanompoana ataontsika dia fampaherezana tsotra na fanolorana . . . fanampiana amin'ny alalan'ny asa tsotra, kanefa tahaka ny inona ny vokatsoa feno voninahitra mirotsaka . . . avy amin'ny fihetsika kely nefà niniana natao!' (*Enseignement des Présidents de l'Eglise: Spencer W. Kimball* [2006], 82).

Ary nanoro hevitra ny Filoha Thomas S. Monson hoe:

"Ny fanampiana ilain'ny hafa dia misy tokoa ary isika tsirairay avy dia afaka manao zavatra entina hanampiana olona iray.

" . . . Raha tsy manokana fotoana hanompoana ny hafa isika dia tsy misy antony manan-danja firy ny fiansantsika." (*Liahona*, "Inona no zavatra nataoko ho an'ny hafa androany?" *Liahona*, Nôv. 2009, 85).

Ry rahalahy sy rahavavy, mamele à ahy hanantitrantitra indray hoe ny toetra manan-danja indrindra ananan'ny Ray any An-danitra sy Jesoa Kristy Zanany Malala izay tokony iriantsika ny mikatsaka mba banana izany ao amin'ny fainantsika dia ny fanomezam-pahasoavan'ny fiantrana, ilay fitiavana madion'i Kristy (Môrônia 7:47). Avy amin'io fanomezam-pahasoavana io no mivelatra ny fahafahantsika mitia sy manompo ny hafa—tahaka izay nataon'ny Mpamony.

Môrmôna mpaminany dia nampianatra antsika ny maha-manan-danja indrindra an'io fanomezam-pahasoavana io ary nanoro antsika ny fomba ahafahantsika mahazo izany: “Noho izany ry rahalahiko malala dia mivavaha amin'ny Ray amin'ny herin'ny fo manontolo mba hahazoana mamenno anareo amin'izany fitiavana izany, izay efa natolony ireo rehetra izay mpanaradia marina an'i Jesoa Kristy Zanany; mba hahatonga anareo ho zanak'Andriamanitra; ka rehefa hiseho Izy, dia ho tahaka Azy isika, fa ho hitantsika Izy tahaka ny maha-Izy Azy; mba hanantsika izany fanantenana izany; mba hahazoana manadio antsika tahaka Azy izay madio” (Môrônia 7:48).

Zava-dehibe no tanteraka amin'ny alalan'ny zavatra tsotra sy madinika. Tahaka ireo poti-bolamena madinika izay voaangona mandritra ny fotoana ela ka tonga harem-be, ireo fihetsika kely sy tsotra ataontsika maneho hatsaram-panahy sy fanompoana dia hangonina ka ho tonga fainana iray heniky ny fitiavana ho an'ny Ray any An-danitra sy ny fanoloran-tena ho amin'ny asan'Andriamanitra sy Jesoa Kristy, ary ho tonga fahatsapana fiadanana sy fifaliana isaky ny mifanolo-tanana isika.

Raha miha-manakaiky ny vaninandrond'ny Paska dia aoka isika haneho ny fitiavantsika sy ny fankasitrahantsika noho ny sorompanavotan'ny Mpamony, amin'ny alalan'ny asa fanompoana tsotra sy feno fangorahana ataontsika amin'ireo rahalahy sy anabavintsika ao an-trano, any ampiangonana ary eo anivon'ny fiarahamonina. Ho amin'izany no vavaka ataoko amim-panetrentena amin'ny anaran'i Jesoa Kristy, amena. ■



Nataon'ny Loholona Neil L. Andersen
Ao amin'ny Kôlejin'ny Apôstôly Roambinifololahy

Fanomanana an'Izao Tontolo Izao ho amin'ny Fiaviana Fanindroany

Ho fahafahana masina hitondranao ny hafa hanatona an'i Kristy ny asa fitorianao ary hanampy amin'ny fanomanana amin'ny Fiavian'ny Mpamony Fanindroany.

Hiresaka mivantana ho an'ireo lehilahy 12 ka hatramin'ny 25 taona aho anio hariva izay mihazona ny fisorona'ndriamanitra. Mahatsiaro anareo izahay ary mivavaka ho anareo. Nitantara mahakasika ilay zafikeliko lahy efa-taona aho indray mandeha izay namely totohondry mafy be ny zandriny lahikely. Taorian'ny nanambatambazan'i Kathy vadiko ity zaza nitomany dia nitodika tamin'ilay iray efa-taona izy ary nilaza tamim-pandanjalanjana hoe: “Nahoana ianao no mameley totohondry ny zandrinao?” Nibanjina ny renibeny izy sady namaly hoe: “Bebe a! Manao azafady aho. Very ny peratro FNT [Fidio ny tsaral, ka tsy afaka mifidy ny tsara intsony aho.” Fantatray fa miezaka ny hifidy ny tsara ianareo. Tianay be tokoa ianareo.

Moa ve ianareo efa nieritreritra hoe inona no antony nandefasana anareo tety an-tany amin'izao fotoana manokana izao? Tsy teraka nandritra ny fotoan'i Adama sy Eva ianareo, na nandritra ny fotoana nanjakan'ireo farao tany Egypta, na nandritra ny fiankohonan'i Ming. Tonga teto an-tany tamin'izao fotoana izay ianareo, taonjato roapolo taorian'ny fiavian'i Kristy voalohany. Naverina tamin'ny laoniny teto an-tany ny fisorona'ndriamanitra, ary efa noraisin'ny Tompo eo An-tanany ny fanomanana an'izao tontolo izao ho amin'ny Fiaviana indray amim-boninahitra. Andro hisian'ny fahafahana manao zavatra sy andron'ny fihazonana andraikitra manan-danja lehibe izao. Andronareo izao.

Efa naneho ny finoanareo an'i Jesoa Kristy tamin'ny alalan'ny